

Na osnovu čl. 8. i 21.-25. Statuta Saveza računovođa, revizora i finansijskih radnika Federacije BiH i člana 22. Poslovnika o radu i odlučivanju Upravnog odbora, a u skladu s čl. 3., 7. i 8. Pravilnika o kontinuiranoj profesionalnoj edukaciji lica iz računovodstvene profesije, Upravni odbor Saveza računovođa, revizora i finansijskih radnika Federacije BiH na sjednici održanoj 18.12.2007. godine donosi:

## **ODLUKU**

**o postupanju po molbama za licenciranje lica iz računovodstvene profesije koja u 2007. godini nisu ispunila uslov kontinuirane profesionalne edukacije**

### **I**

Lica u zvanju „certificirani računovođa“ i „certificirani računovodstveni tehničar“ koja, prema evidencijama Saveza, u 2007. godini nisu ispunila uslov kontinuirane profesionalne edukacije (najmanje 40 sati, što uključuje i 5 sati samoobuke priznate na osnovu plaćene članarine za 2007. godinu), mogu se obratiti Savezu posebnom molbom za izdavanje licence (dozvole za rad) za 2008. godinu.

Lica u zvanju „ovlašteni revizor“ koja, prema evidencijama Saveza, nisu ispunila uslov kontinuirane profesionalne edukacije, mogu se obratiti Savezu posebnom molbom za uvrštavanje u spisak kojeg će Savez dostaviti Federalnom ministarstvu finansija u čijoj je nadležnosti izdavanje licenci licima u tom zvanju.

### **II**

Molbe se podnose do 31. 01. 2008. godine, na adresu Saveza, Kneza Višeslava 77a, Mostar.

U molbi se obavezno navode razlozi i okolnosti zbog kojih nije ispunjen uslov kontinuirane profesionalne edukacije, te prilažu odgovarajući dokazi tih okolnosti.

### **III**

Opravdanost pojedinačnih molbi iz tačke I ove odluke razmatrat će Odbor za kontinuiranu profesionalnu edukaciju, te o tome obavijestiti i dati prijedloge Upravnom odboru Saveza.

Po molbama i prijedlozima iz prethodnog stava, odlučuje Upravni odbor.

### **IV**

Ova odluka stupa na snagu danom donošenja, a za njeno tumačenje je nadležan Upravni odbor Saveza.

Ova odluka će se objaviti na web stranici Saveza.

Mostar, 18. 12. 2007. godine

Predsjednik UO Saveza  
Augustin Mišić

Broj: O-3-12/07